




Ip nen dag wier Jimmy 6, klijne joenges wirn grout  
En azuo wast dat ie vannof ton no skole moest gon  
In t behin zat ie nog dikkels ip de juffrouw eurne skuot  
Mo de kindjes wieren motjes en ge kunnet miskiens ol roadn

De gesprekken ging ol houwe over ander dieng dan skole  
Over tus en oe dat was doa en wikk dasse doa ton deedn  
En Jimmy uorde dieng die zin uorn lieten flappern  
Over speelgoedtrings en spellekes en de villo da's ip reen



Wor ei hidder da ton hold? vroeg Jimmy an zin motjes  
En ton zein ze twa da Jimmy iglijk nie a kun peizen  
*Da lag onder de kestbuom*, nie betold da wa gratis  
En dat antwoord deed olijinne nog mo mjir vragen rijzen



Ne kestbuom, wik is dadde? vroeg Jimmy hjil kerieus  
Wan toezes in den hof èk da nog nuoisn zien groeien  
Da groei nie in den hof zein ze, mo ge zet da in jun us  
In oes us? vroeg Jimmy, mor oe kan tie ton nog bloeien?